

Martxoak 8, gazteek sexuagatiko desberdintasunak hautematen jarraitzen dute

[Emakumeen Nazioarteko Eguna](#) (martxoak 8) dela eta, [Gazteen Euskal Behatokia](#)k bere azken ikerketatik datu batzuk azpimarratu nahi ditu emakume gazteen egoerari buruzko hausnarketa bultzatzeko.

Emakume gazte langileek gizon gazte langileek baino prekarietate handiagoa jasan behar dute. Emakumeek gizonen baino aldi baterako kontratu gehiago dituzte, emakume gehiagok dute lanaldi partziala, soldata baxuagoak dituzte eta enplegua galtzeko edo prekario bihurtzearen aurreikuspen altuagoa dute.

- ✓ 16 eta 29 urte bitarteko emakumeen % 51k aldi baterako kontratua du. Gizonen artean, ostera, % 38,2k.
- ✓ Lanean ari diren emakume gazteen % 48,9k lanaldi partzian lan egiten dute (gehienetan beren borondatearen kontra; adibidez, lanaldi osoko lanik aurkitu ez dutelako). Bestetik, gizonen artean % 22,1 dira.
- ✓ Lanaldi osoan dauden artean neurtuta (emakume gazteen lanaldi partzialen kopuru handiagoaren eragina kentzeko), 30 urte baino gutxiagoko emakumeen batez besteko hileko soldata 1119 eurokoa da. Adin tarte berdineko gizonen soldata, aldiz, 1242 eurokoa.
- ✓ 16 eta 29 urte bitarteko emakume langileen artean % 25,8k lana galtzeko arrisku handia hautematen dute; beste % 10,0k uste dute lana ez dutela galduko, baina lana prekario bihurtzeko arriskua dagoela aurreikusten dute. Lanean ari diren gizonen artean, ostera, % 21,5ek uste dute lana galtzeko arriskua dutela eta beste % 7,6k beren lan baldintzak okertzearen arriskua hautematen dute. Guztira, emakume gazteen % 35,8k hautematen dute lana galtzeko edo lan baldintzak okertzeko arriskua. Adin berdineko gizonen artean % 29,1 dira.

16 eta 29 urte bitarteko gazteen lan baldintzen arteko ezberdintasunak


| | Sexua | |
|---|-----------|---------|
| | Emakumeak | Gizonak |
| Aldi baterako kontratua | % 51 | % 38 |
| Lanaldi partziala | % 49 | % 22 |
| Batez besteko soldata lanaldi osoan | 1.119 € | 1.242 € |
| Enplegua galtzeko edo prekario bihurtzearen aurreikuspena | % 36 | % 29 |

Iturria: Gazteen Euskal Behatokia (Gazteak eta Enplegua Euskadin 2015)


Gazteek sexuagatiko desberdintasunak hautematen jarraitzen dute lanpostu bat lortzeko orduan eta etxeko lanak banatzeko orduan, eta neskek mutilek baino hein handiagoan hautematen dituzte

- ✓ Lau gaztetik batek (% 24) uste du, prestakuntza eta esperientzia berarekin, gizon batek emakume batek baino aukera gehiago dituela lanpostu bat lortzeko. Askoz gutxiago dira emakumeek aukera gehiago dituztela uste dutenak (% 9).
- ✓ Gizonen lanpostu bat lortzeko aukera gehiago dituztelako ideia zabalduago dago emakumeen artean, eta behera egin baino, bereizkeria-sentsazioa igo egin da emakumeen artean (2008an emakume gazteen % 23k uste zuten gizon batek aukera

gehiago zituela lanpostu bat lortzeko bere sexua zela eta; proportzio hori % 28ra igo da 2016an).




- ✓ Etxeko lanen banaketari dagokionean (bikotekidearekin bizi diren gazteen artean), emakumeek gizonak baino hein handiagoan sentitzen dute etxeko lanen pisua (emakumeen % 22k hala uste dute).



- ✓ Nolanahi ere, kasu honetan, beherakada handia egon da 2008. urtearekiko, etxeko lan guztiak edo gehienak egiten dituztela dioten emakumeen ehunekoan (bikotekidearekin bizi diren emakumeen % 48 izatetik % 22 izatera).

Zaintza-lanen kontsiderazioak lan ordainduen kontsiderazioaren azpitik egoten jarraitzen du, baina gora egin du azken urteetan


- ✓ Gazteen erdiak baino gehiagok (% 54) uste dute etxetik kanpo lan egitea gogobetegarriagoa dela seme-alabak edo beste senide batzuk zaintzea baino; % 19 kontrako iritzia dute, eta % 21ek uste dute bata zein bestea direla gogobetegarriak. Guraso izateak aldatu egiten du pertzepzio hori eta zaintza-lanak lan ordainduaren errekonozimendu bera lortzen du.



- ✓ Zaintza-lana etxetik kanpo lan egitea bezain gogobetegarriagoa, edo gehiago, delako ideiak bederatzi puntutan egin du gora 2012tik 2016ra.

Emakumeen heren bat bere herri edo auzoan gauzez bakarrik ibiltzearen beldur da

- ✓ Gizon eta emakumeen arteko diferentziak handiak dira gai honetan: emakume gazteen % 34 gauzez bakarrik ibiltzearen beldur dira, eta gizon gazteen % 4.
- ✓ Beldur-sentsazioak gora egin du urte hauetan: 2000. urtean emakumeen % 26k adierazten zuten beldur zirela eta % 36k, berriz, 2016an.
- ✓ Neska gazteenak dira hein handienez beldur direla adierazten dutenak, zehazki, 15-19 urteko nesken % 44k.



Gora egin du genero-indarkeriaren orotariko formen larritasun-errekonozimenduak

- ✓ Gazteen % 97k esan dute oso larri dela bikotekide sexu-harremanak izatera behartzera. Halaber, % 90ek baino gehiagok uste dute oso larria dela etxetik irtetea debekatzea (% 91) eta mehatxatzea (% 91).
- ✓ Halaber, gehiengoak uste du oso larria dela bikotekideari mespretxuak egitea (% 74), gauzak erabakitzen ez uztea (% 69) edo iraintzea (% 60). Eta, larrientzat jo diren indarkeria-formetan diferentzia txikiak dauden arren, gizon eta emakume gazteen iritzien artean, aipatu berri ditugun jokabide horiek larriagotzat jotzen dituzte emakumeek gizonek baino.

Euskadiko emakume gazteen egoerari buruzko datu gehiago ezagutzeko kontsulta ditzakezu Gazteen Euskal Behatokiaren [Estatistikak](#) eta [Euskadiko gazteen egoeraren diagnostikoa 2017](#).